

大方等大集菩薩念佛三昧分經

第七

九十九
伐七

47762

元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置



佛說大方等大集菩薩念佛三昧分經卷第七 伐

隋天竺三藏達磨笈多譯

讚三昧相品第九

今時世尊讚不空見菩薩摩訶薩言善哉善哉不空見汝於往昔乃能供養無量無數諸佛世尊於諸佛所種諸善根具足修行諸波

羅蜜一切法中所作已辦而常為彼諸衆生輩作不請友為行大慈成就正信諸衆生故

請問世尊如斯大義為不動不退大菩提心諸衆生故請問世尊如斯大義為不壞信意諸衆生故請問世尊如斯大義為發弘廣大願

莊嚴諸衆生故請問世尊如斯大義爲不思議善根諸衆生故請問世尊如斯大義爲著不思議鎧甲諸衆生故請問世尊如斯大義爲超越三界諸衆生故請問世尊如斯大義爲專精實義諸衆生故請問世尊如斯大義爲隨順大智諸衆生故請問世尊如斯大義爲樂甚深法行諸衆生故請問世尊如斯大義爲重布施諸衆生故請問世尊如斯大義爲重開示諸衆生故請問世尊如斯大義爲一切能捨內外身財諸衆生故請問世尊如斯大義爲成就最上無上戒聚諸衆生故請問世尊如斯大義爲深忍相應諸衆生故請問

問世尊如斯大義爲勇猛精進諸衆生故請
問世尊如斯大義爲得深禪定諸衆生故請
問世尊如斯大義爲深重智慧諸衆生故請
問世尊如斯大義爲以資財方便巧攝一切
諸衆生故請問世尊如斯大義又爲心若金
剛諸衆生故爲心如門闌不動不轉諸衆生
故爲心如淨水無有塵垢諸衆生故爲心如
迦耶隣提衣諸衆生故爲樂入深義諸衆生
故爲尊重正法諸衆生故爲捨擔能擔諸衆
生故爲不惜身命諸衆生故爲不樂一切世
間有爲諸衆生故請問如來如是大義不空
見汝於今者能爲如斯諸大菩薩摩訶薩輩

請問如來如是義耳。爾時世尊復告不空見菩薩摩訶薩言：不空見，汝應諦聽善思念之。吾當為汝廣分別解說。時彼不空見菩薩摩訶薩即白佛言：善哉世尊。如蒙聖說一心諦受。佛言：不空見，有菩薩三昧名念一切佛菩薩。當應親近修習觀察思惟。如是三昧既能修習觀察思惟，此三昧已則得增廣成就。現前安樂法行，故則得增廣無貪善根。故則得增廣無瞋善根。故則得增廣無癡善根。故則得具足慚愧。故則得成就神通。故則得圓滿一切佛法。故則得清淨一切佛土。故則得天降下生具足。故則得入胎具足。故則得任胎。

清淨具足故則得母生微妙清淨具足故則
得家生清淨具足故則得諸根微妙清淨具
足故則得大人相清淨具足故則得諸妙好
清淨具足故則得出家具足故則得最上寂
靜具足故則得大寂靜具足故則得諸通具
足故則得為一切衆生作歸依具足故則得
多聞具足故則得世間出世間法具足故則
得一切諸法任處具足故則得巧妙方便知
出世法具足故則得善通達一切諸法具足
故則得巧知前際後際法相具足故則得善
巧莊嚴文字句義具足故則得智慧具足故
則得微妙神通具足故則得巧轉變心具足

故則得善教示他具足故則得爲他衆生及富
伽羅勝負白黑上下滿缺增損勝力具足故
則得是處非處具足故則得未成阿耨多羅
三藐三菩提趣向具足故則得正行具足故
則得意具足故即得自在具足故則得神通
具足故則得尊勝大家具足故則得大姓具
足故則得端正具足故則得大威具足故則
得大光明具足故則得作諸功德具足故則
得大功德具足故則得大人牛王具足故則
得令他歡喜音具足故則得令他深歡喜音
具足故則得微妙音具足故則得梵音具足
故則得相應辯才具足故則得無諍辯才具

足故則得無著辯才具足故則得稱實辯才
具足故則得種種辯才具足故則得一切言
音辯才具足故則得所生不離諸佛世尊而
常恭敬供養具足故則得離邊地生具足故
則得生中國具足故則得徧遊諸世界禮拜
承事諸佛世尊諮請論義具足故則得成就
無量無邊功德具足故則得一切菩薩功德
莊嚴具足故乃至則得菩提樹下道場莊嚴
具足故尔時世尊為重宣此義以偈頌曰
不空見斯勝三昧
其有菩薩能修行
當即速獲諸神通

如我今在智德中
彼見十方一切佛
因是復覩清淨刹

遂能下生妙具足
住胎之時無有比
一切相好咸具足
捨家出家離衆欲
彼爲世間求菩提
亦得諸通及神足
多聞揔持大德人
統諸大衆義明了
諸法行處皆悉知
智人所知智具足
有爲之法盡皆捨
常以天眼觀衆生

入胎具足亦復然
母最清淨勝家生
亦當修彼諸行法
捐棄人欲及與天
所生常有諸甘露
轉智圓滿彼世間
行行斯由多聞海
巧知衆生方便學
世間之法及出世
遠離諸業及癡惱
而常親近於無爲
復用天耳聽聞法

宿命明白知過往
神通變化自在遊
得大名聞行佛國
明達是處及非處
深照淨法及垢染
能得正行具足人
具正思惟大威德
復生大家及尊姓
彼雖處於有為中
所生常受大功德
或為忉利釋天尊
凡所出聲悉無比

他心善達前人意
心能巧轉隨所用
能廣利益諸世間
一切諸法靡不知
以常修習勝三昧
彼之智慧實無比
亦得安住正修行
衆事端嚴見者喜
所作功德無能壞
往來多作人中王
時作光天及梵主
梵天妙響師子音

諸龍美音徧行中
備於絃樂及歌聲
能會義理令衆歡
善出清雅及好聲
深婉妙音并善語
行步舉動若龍王
降雨滂洽於大地
如是人龍所遊處
無量無數諸化身
偈頌譬喻諸種作
彼常法樂與衆生
所生不離於諸佛

大功德聲牛王吼
迦陵頻伽音精妙
以獲三昧故得然
多用愛言悅一切
彼聲常有未曾絕
普放電光照一切
是謂龍德難稱量
住斯妙定勝神通
徧諸佛前等供養
言詞雅正理趣安
得是勝定故無礙
亦見菩薩及聖僧

恒居利益無難處
欲徧諸佛有諮論
現前供養一切佛
如是功德不可說
道樹等覺恒俱生

成就三昧照十方
或生無量難思刹
成就三昧故若斯
超過數表絕稱量
諸佛咨嗟惟此定

大方等大集經菩薩念佛三昧分正觀品第十

尔時不空見菩薩摩訶薩白佛言世尊若諸
菩薩摩訶薩欲得成就諸佛所說菩薩念佛
三昧者彼菩薩摩訶薩應當親近修習何法
能得成就思惟三昧耶尔時世尊告不空見
菩薩摩訶薩言不空見若諸菩薩摩訶薩欲
得成就諸佛所說念佛三昧欲得常親一切

諸佛承事供養彼諸世尊欲得疾成阿耨多
羅三藐三菩提者當住正念遠離邪心斷除
我見思惟無我當觀是身如水聚沫當觀是
色如芭蕉虛當觀是受如水上泡當觀是想
如熱時焰當觀是行如空中雲當觀是識如
鏡中像菩薩若欲入是三昧當應深心怖畏
之想當念遠離譏嫌免他訶責當念除去無
慙無愧成就慚愧當應成就奢摩他毗婆舍
那當應遠離斷常二邊常念一心精勤勇猛
除去懈怠發廣大心常念觀察三解脫門常
念先生三種正智常念斷滅三不善根常念
成就諸三昧聚常念成熟一切衆生常念等

為衆生說法當觀四念處所謂身念處受念
處心念處法念處當念四食過患所謂搏觸
思識等於是食中生不淨想當念四無量所
謂修於大慈行於大悲安住大喜具足大捨
當念成就諸禪而不味著然復思惟一切諸
法常念不惜其身不保其命捨身及心攝受
多聞念如是法應如是護不得誹謗多聞法
財如所聞法如義受持於諸佛所起尊重心
又於法僧生肅恭意親善知識遠離惡友除
滅世間無義語言不著世樂不捨空閑住於
一切生平等心於諸衆生無有退沒無損害
心亦無妬嫉於一切法起稱量心不作罪惡

心無垢染一切諸法無處可得常求甚深廣大經典於中恒起增上信心莫生嫌疑無為異意如是經典最勝廣大常念誦持常思演說何以故是為諸佛世尊道法獨能生成佛菩提故於當來世得彼無量諸佛功德應當為他如法宣說降伏憍慢莫亂正聞恭敬尊重供養是法捨諸欲求息諸諍競除諸睡眠滅諸疑網殄絕迷惑明識我見不事戲論遠離屈軋邪命自活遮羅迦波梨婆闍語言論等常應善住檀波羅蜜中圓滿尸波羅蜜常念羸提波羅蜜不捨毗梨耶波羅蜜遊戲禪波羅蜜具足般若波羅蜜棄捨身命無愛惜

心如四大性不可改變如於地界起平等心
水火風界亦復如是成就身業心意精勤無
不活畏不貪衣食湯藥牀鋪房舍殿堂一切
眾具樂行頭陀常住知足不求利養不事名
聞凡是愛著悉滅無餘觀四念處斷四顛倒
不念惡刺永度四流修四如意住四威儀當
具五根亦增五力應滅五蓋不用五情遠離
五濁成五解脫得入五身內自思惟廣大聖
智正觀五陰不行六塵降伏六根亡滅六識
斷絕六受除六渴愛行六念處及六智分法
於六通中常求利益修七覺分通達七界

七界謂害

界慧界出界欲界色界無色界及滅界數 滅除七使及七識住離

八怠惰除八妄語明了世間八法所因應得
八種大人覺法證八解脫修八正道親近思
惟廣大分別專精遠離九衆生居滅九種慢
捐棄九惱常思九種歡喜等法親近修習九
次第定終不念行十種惡業而勤造作十善
業道常求如來十種力智不空見我今爲汝
略說如是菩薩摩訶薩念佛三昧法門諸所
當得大利益事若有菩薩摩訶薩應當修學
念佛三昧如是修者名報佛恩思惟是者即
不退轉於阿耨多羅三藐三菩提亦當滿足
彼諸佛法乃至能爲一切衆生作大依止亦
令成就無上種智故不空見斯諸菩薩摩訶

薩有大智故乃能思惟非彼聲聞辟支佛人
得觀察也不空見若人於此念佛三昧或時
親近思惟修習若受持若讀誦若書寫若教
他書寫若教讀誦受持若少開發若為解說
若能廣宣彼雖少時勤苦疲勞然其所作終
不虛棄必獲果報得大義利不空見彼菩薩
摩訶薩以為他受持法故速得不退阿耨多
羅三藐三菩提於當來世決定作佛不空見
當知如是念佛三昧則為揔攝一切諸法是
故非彼聲聞緣覺二乘境界若人暫聞說此
法者是人當來決定成佛無有疑也亦時世
尊為重宣此義以偈頌曰

若人欲修此三昧
彼既思惟是法門
亦當遠離無慙愧
復應安住三空門
既拔三種不善根
若知觀察三受處
若人欲求勝三昧
自然遠離諸邪見
次第觀受斯皆苦
若人思惟三昧時
諸法有疑咸悉除
亦應善通四念處

能念一切諸如來
諸非法處當遠離
破除斷見及與常
當念勤修解脫智
即亦思惟三善本
得斯妙定良非難
先應持戒後修智
亦無戲論及語言
然後觀察生滅心
當應深念出世事
得此三昧甚為易
先當觀身不暫住

恒求解脫及禪定
弗以及聞陵侮人
聞正法已能思惟
尊重諸佛深敬法
善知識所常念恩
不與惡人同坐起
爲求最上菩提故
一切衆生皆平等
欲求彼法真實際
彼輕慢意悉能除
明識我見及疑心
不得起於惡欲意

不愛壽命豈惜身
寧當誹謗於正法
晝夜受持身所誦
承事僧衆不敢輕
遠離一切諸惡友
除彼爲衆說法處
終勿捨離阿蘭若
於諸法中莫分別
諸法相中無著心
不久必得此三昧
亦當觀察諸調戲
應滅諍競與睡眠

若不學彼外道法
但能隨順佛法言
常行布施及戒忍
恒處禪思及智慧
能施頭目無愛畏
彼趣菩提無艱難
若能持心如大地
更等虛空無邊崖
若有精誠身口意
其於衆具既無求
應常專念四正勤
速須遠離顛倒想

諸是戲論自然除
求此三昧須臾獲
勇猛精進無倦時
自然得斯三昧行
捨餘諸物終不疑
亦速獲斯凝靜定
又同水火及與風
彼人速得此禪定
彼不貪食及衣財
能如是修證三昧
亦當成彼諸神足
煩惱棘刺先斷除

當念杜絕四流河
具足五根及五力
五種欲事不俱懷
復當願求五解脫
應速觀知五陰處
彼不恭慎應遠離
於六受處心正觀
復以六通成就世
勤求七覺七聖財
欲得三昧恒若斯
彼常遠離七識住
若能住於八正道

亦思乾消諸渴愛
分裂破壞五蓋衣
內心幻偽亦宜捨
思惟五身三摩提
正心和敬於六緣
亦當減損六觸身
常念斷除六種愛
亦修六念及智明
必須捨彼疑惑處
漸當散滅諸煩惱
斯八顛倒亦拔除
自當速證此深定

恒住八大丈夫行
不染八法離世間
於他人所無瞋心
思九歡喜根本法
絕此十惡不善因
若能修行十種力
當念攝持諸善法
前後勤求彼正念
若住如是三昧已
徧見諸佛金色身
若欲見彼諸世尊
當來一切愍世者

復以八解自娛心
獲最勝智當不遠
先應除此九種慢
得彼次第九種禪
應修智人十種善
得是三昧終無艱
放捨不善眾惡緣
證此三昧豈能久
當轉智力不思議
所生常得聞正法
或已滅度及現在
應思惟此勝三昧

大方等入集經菩薩念佛三昧分思惟三昧品第十一
尔時不空見菩薩摩訶薩白佛言世尊若諸
菩薩摩訶薩念欲成就諸佛所說念佛三昧
者云何思惟而得安住佛告不空見菩薩言
不空見若諸菩薩摩訶薩必欲成就是三昧
者先當正念過去所有諸如來應供等正覺
次念現在所有諸如來應供等正覺次念未
來所有諸如來應供等正覺彼如是念一切
三世十方世界中是等一切諸如來應供等
正覺明行足善逝世間解無上士調御丈夫
天人師佛世尊天降成就入胎成就住胎成
就出胎成就出家成就諸功德成就諸根成

就諸相成就諸好成就莊嚴成就戒品成就
三昧成就智慧成就解脫成就解脫知見成
就四無畏慈悲成就喜捨成就慙愧成就威
儀成就諸行成就奢摩他成就毗婆舍那成
就明解脫成就解脫門成就四念處成就四
正勤成就四如意足成就五根成就五力成
就覺分成就正道成就徃答因緣成就雙教
示成就諸通教示成就大通教示成就戒品
成就一切三昧成就無礙利益成就爲他利
益無礙成就一切善法成就清淨色成就清
淨心成就清淨智成就諸入成就金色百福
成就時彼菩薩念諸如來如是相已復應常

念彼諸如來應供等正覺心無動亂亦常安
住無所著心心無著已彼復應作如是思惟
是中何等名曰如來為當即色是如來耶為
當離色是如來乎若以色法為如來者彼諸
衆生皆有色陰一切衆生應是如來若以離
色為如來者離色則是無因緣法無因緣法
云何如來菩薩如是觀知色已次復觀受彼
時更作如是思惟為當即受是如來耶為當
離受是如來耶若即受法為如來者彼諸衆
生皆有受陰一切衆生應是如來若離受法
為如來者離受則為無因緣法彼無緣法云
何如來彼既如是觀色受已乃至觀識亦如

是時彼菩薩復如斯念若此諸陰非如來者
豈彼諸根是如來乎如是念已則先觀眼爲
當即眼是如來耶爲當離眼是如來乎若即
彼眼是如來者一切衆生皆有是眼一切衆
生應是如來若離彼眼是如來者離眼則爲
非因緣法彼非緣法去何如來菩薩如是觀
察眼已觀耳觀鼻乃至觀意亦如是時彼菩
薩復如斯念若此諸根無如來者豈彼諸大
有如來乎如是念已則先觀地爲即地界是
如來耶爲離地界是如來乎若即地界爲如
來者彼內外法皆屬於地如是地界應是如
來若離地界爲如來者離地即爲無因緣法

彼無緣法云何如來彼既如是觀察地界乃至觀彼水火風界亦是而彼菩薩能作如是正思惟時不以色觀察如來不離色觀察如來如是不以受不離受不以想不離想乃至不以識不離識觀察如來亦如是又彼觀時亦不以眼觀察如來不離眼觀察如來如是不以耳不離耳不以鼻不離鼻乃至不以身意不離身意觀察如來亦如是又彼觀時不以色觀察如來不離色觀察如來如是不以色不離色不以聲不離聲乃至不以觸法不離觸法觀察如來亦如是又彼觀時不以地觀察如來亦不離地觀察如來如是不以

水不離水乃至不以風不離風觀察如來亦如是彼菩薩如是觀時即能於彼一切法中善通達知明了無礙余時彼菩薩復應當作如是思惟是中更以何等真法而能得彼阿耨多羅三藐三菩提爲以身得菩提耶爲用心得菩提乎若身得者而今此身無覺無識頑癡無知譬如草木若石若壁然彼菩提非色非身非行非得不可見聞不可觸證此身如是云何能得成就菩提若心得者而即此心本自無形無有相貌不可見聞不可觸證不可執持猶如幻化菩提如是亦無有心無有觸對不可見聞不可知證此心如云何

能得成就菩提不空見是為菩薩正念思惟
不以身心亦不離身心而能證得阿耨多羅
三藐三菩提耶佛言不空見然彼菩薩常應
如是觀察思惟若能如是觀諸法時即得安
住於正法中心無遷變不可移動當知爾時
具足菩薩摩訶薩法自然遠離不善思惟速
疾成就阿耨多羅三藐三菩提正覺平等真
實法界爾時世尊為重明此義以偈頌曰
過去未來諸世尊
冥心空寂行慈愛
徃咎諸佛大威光
彼念人中分阨利
現在一切徧見者
欲覩諸佛無艱難
憐愍世間等與樂
調御丈夫功德滿

更念下生及入胎
思彼生家衆妙相
亦念諸好勝莊嚴
微言妙義初中後
任解脫門及供養
應念諸根具滿者
若念諸佛解脫尊
一切世間利益念
妙色及與清淨心
金剛身體百福相
何等法中名如來
諸佛非色復非受

任胎尊母皆具足
當見等覺弗爲難
及彼本願先所行
彼皆善逝解脫身
正勤與彼四神足
力菩提分亦復然
不久當到勝寂地
善法功德難思量
復思世尊衆好分
當知如來諸念滿
正當觀察無邊處
非彼想行非識心

如是等法非如來
亦非離彼是諸佛
諸佛非眼非耳鼻
亦非離彼為如來
惟有大名無真佛
智人若知盡和合
若以諸陰為如來
衆生即應是諸佛
不以色等為諸佛
無量數劫正思惟
身如草木及石壁
亦無頑身及草木

正見智人亦應體
應供善逝但有名
非舌身意及法等
正覺莊嚴惟名耳
離名何處有實者
當取等覺實非難
彼諸衆生皆有陰
以陰平等斯共有
亦不離陰名如來
不思議智乃成就
菩提無色寂無生
云何說身證菩提

是心無相復無形
非身非心能得證
是為最勝寂靜地
若於此法求正勤

菩提非心亦無狀
亦非無證難思議
外道於中皆荒迷
必當速得是三昧

佛說大方等大集菩薩念佛三昧經卷第七 伐

滂洽

上普忙
下侯夾

反注也
反沾也

殍絕

上徒典
反滅也

惡刺

下亦
作刺

七賜

怠惰

上音待
下音待

陵侮

下音武
輕欺也

調戲

上徒

吊反

凝清

上魚
反魚

崖

下音宜

棘刺

上死力
反下

賜反

杜絕

上徒戶
反塞也

娛樂

下音

闌

反五結

